

AXUDAS Á IMPLANTACIÓN DE SOLUCIÓNS AVANZADAS PARA O DESENVOLVEMENTO DA ECONOMÍA CIRCULAR PARA O ANO 2022 (IG300F)

Instituto Galego de Promoción Económica

CONECTA OURENSE



XUNTA
DE GALICIA

CEO



Confederación
empresarial de
Ourense

[RESOLUCIÓN do 29 de decembro de 2022 pola que se dá publicidade do Acordo do Consello de Dirección que aproba as bases reguladoras das axudas á implantación de solucións avanzadas para o desenvolvemento da economía circular para o ano 2023, susceptibles de seren co-financiadas no marco do programa operativo Feder Galicia 2021-2027, e se procede á súa convocatoria en réxime de concorrencia competitiva \(código de procedemento IG300F\).](#)

BENEFICIARIOS

Pequenas e medianas empresas (PEMES), calquera que sexa a súa forma xurídica, incluíndo os empresarios autónomos, e que teñan un centro de traballo en Galicia.

Para poderen solicitar as axudas á tipoloxía de proxectos colectivos deberán previamente constituír unha agrupación das previstas no artigo 8.3 da Lei 9/2007. A dita agrupación terá que estar constituída, polo menos, por tres PEMES con centro de traballo en Galicia. Deberanse facer constar expresamente nun documento os compromisos de execución asumidos por cada membro da agrupación, que terán igualmente a consideración de beneficiarios.

REQUISITOS DOS PROXECTOS

Poderán ser de dúas modalidades:

- Proxectos colectivos de simbiose industrial nos cales un grupo de empresas aborda un proxecto de economía circular para mellorar o uso dos recursos e reducir os impactos ambientais conxuntos.
- Proxectos individuais nos cales unha peme aborda a implantación dun sistema de economía circular, parcial ou integral, especificamente deseñado ou desenvolvido para o seu ámbito de actividade.

Débense dirixir a un ou varios dos seguintes obxectivos:

- Redución do consumo de recursos no proceso produtivo:
 - Redución do consumo de recursos naturais, materias primas e semi-elaborados; mellora da eficiencia enerxética; monitorización e control de procesos; medición, monitorización e redución da pegada de carbono e pegada hídrica.
- Reducir a xeración de residuos no proceso produtivo, a perigosidade destes e/ou facilitar a súa re-utilización, valorización e/ou reciclaxe:
 - Redución e/ou re-utilización de residuos e subprodutos; clasificación e/ou valorización de residuos e subprodutos; deseño e desenvolvemento de envases e embalaxes eco-eficientes; eco-deseño: para a redución, re-utilización e reciclaxe.
- Análise do ciclo de vida do produto:
 - Incorporación de criterios de sustentabilidade nas compras; análise de ciclo de vida e implantación de estratexias de deseño sustentable baseadas no principio «berce a berce».
- Identificación e implementación de novas oportunidades de negocio que persigan a re-utilización e reparación dos produtos.
- Servitización: redución do consumo de recursos co cambio de enfoque á prestación de servizos.
- Re-acondicionamento, re-manufactura e reparación avanzada.
- Creación de cadeas de valor máis curtas.

CONCEPTOS SUBVENCIONABLES

Activos materiais e inmateriais (conta contable do grupo 2):

- i. Sensores, equipamentos e sistemas para a medición, monitorización, seguimento e control de parámetros produtivos e ambientais.
- ii. Hardware e software intelixente para proceso da información cando sirva ao aforro de insumos e de consumo de recursos hídricos ou enerxéticos ou ben para a redución da produción de refugallos, así como os gastos de desenvolvemento do dito software.
- iii. Nova maquinaria e bens de equipamento, unicamente no caso de que se trate de equipamentos destinados á re-utilización ou reciclaxe *in situ* de refugallos da empresa.

Servizos de consultaría externa de carácter tecnolóxico, de deseño de procesos ou produtos máis eficientes, ou organizativo (conta contable do grupo 6): asistencia técnica, eco-deseño, re-enxeñaría de procesos. As colaboracións externas subvencionables deberán contribuír aos obxectivos específicos do proxecto e non consistirán en actividades permanentes ou periódicas nin estarán relacionadas cos gastos de explotación normais da empresa.

CONTÍA DA AXUDA

A subvención será do **35% dos investimentos materiais e inmateriais subvencionables para as pequenas empresas**, e do **25% para as medianas**. A subvención será do 50% dos gastos servizos de consultaría subvencionables para ambas as categorías de empresa, pequenas e medianas.

OBRIGAS

- Non se aprobarán proxectos que non propoñan chegar a resultados como estudos de viabilidade.
- O importe subvencionable das colaboracións externas non poderá superar o 60 % do importe total.
- As PEMES deberán contribuír financeiramente polo menos cun 25% do importe subvencionable.
- Os investimentos e gastos non poderán ter comezado antes da presentación da solicitude. O prazo de execución dos proxectos de solucións avanzadas para o desenvolvemento da economía circular non poderá superar o 15 de setembro de 2024.
- Os bens obxecto do investimento deberán ser adquiridos polo beneficiario en propiedade. No caso de adquisición dos bens mediante pagamento aprazado, estes deberán pasar a ser de propiedade plena da empresa antes do remate do prazo de execución do proxecto.
- O investimento terá que incluírse no activo da empresa e manterse no centro de traballo en Galicia durante os tres (3) anos seguintes ao remate do prazo de execución do proxecto. No caso de investimento en activos intanxibles deberán empregarse exclusivamente no establecemento beneficiario da axuda; consideraranse activos amortizables e adquiriranse en condicións de mercado a terceiros non relacionados co comprador.

PRESENTACIÓN DE SOLICITUDES

- **Presentación:** a través de medios electrónicos cubrindo previamente o formulario electrónico a través da aplicación establecida no enderezo da internet <https://www.igape.gal/gl/oficinavirtual>
- **Prazo de presentación:** dende o **01/02/2023 ás 08:00 hora** ata o **28/02/2023 ás 14:00 horas**.


DOCUMENTACIÓN A PRESENTAR

- Memoria descritiva do proxecto.
- As tres ofertas que deban ter solicitado.
- Escritura de constitución e dos estatutos debidamente inscritos no rexistro competente, e modificacións posteriores destes, no caso de entidades non inscritas no Rexistro Mercantil.
- Poder do representante que presenta a solicitude, no caso de entidades non inscritas no Rexistro Mercantil.

OFICINA CONECTA VALDEORRAS

 Plaza del Ayuntamiento, núm. 2
32300, O Barco de Valdeorras
Ourense


 conectaourense@ceo.es

 625 464 262
988 391 110

OFICINA CONECTA VERÍN

 Rúa Doctor González Prada, núm. 5 Bajo
32600, Verín
Ourense

 conectaourense@ceo.es

 625 464 262
988 391 110

